

集部

欽定四庫

全書日集部

詳校官中書臣張經田

主事街日徐以坤覆勘 校對官編修臣沈清法 總校官檢討臣何思釣 謄録監生 臣李大綬

事而懼之盛心也當然多故主要臣辱孰敢爱其死况 してこりシ ハナラ 將出師官好憂勤 明王守仁 不遑寧處此誠聖主遇災能警臨 **文章辨體預選** 變警戒脩省又以邊 過個級 明 賀狼徴 編

惡習以成俗互相為奸憂世者謂之迁狂進言者目以 適有邊歷之患是憂愿警省易轅改轍之機也此在陛 浮躁沮抑正大剛直之氣而養成怯懦因循之風故其 謀為左右者內挾交蟠蔽壅之資而外肆招權納賄之 衰耗顏塌將至於不可支持而不自覺令幸上天仁爱 於為大臣者外託慎重老成之名而內為固禄希寵之 下必宜自有所以痛革弊源懲艾而振作之者矣新進 一二之見而忍不以上聞邪臣愚以為今之大患在 **表一百十一** 

到好四項全書

備惡二日舍短以用長三日簡師以省費四日屯 田以 時論然私心竊以為必宜如此則又不可以茍避垂刺 足食五曰行法以振威六曰敷恩以激怒七曰捐小 全大八曰嚴守以乘弊何謂蓄材以備急臣惟將者三 而遂已於言也謹陳便宜八事以備採擇一曰蓄材以 得言者也臣亦何為而不可之有雖其所陳未必盡合 事機之得失茍有所見是固錫芘之所可進卒伍之所 小臣何敢偕聞其事以干出位之誅至於軍情之利害

大三日日 A.H

文章解體原選

劉錡之徒以為之將李綱之徒以為之相尚不能止金 人之衝突令以一統之大求其任事如數子者曾未見 之外曾無可以繼之者矣如是而求其克敵致勝其將 |軍之所恃以動得其人則克以勝非其人則敗以亡其 金岁世月百十 何恃而能乎夫以南宋之偏安猶且宗澤岳飛韓世忠 廷會議推舉固己倉皇失措不得己而思其次一二人 可以不豫蓄哉今者邊方小冠曾未足以辱偏裨而朝 人萬一邊冠長驅而入不知陛下之臣孰可使以 卷一百十一

欠足 日早 心的 武舉僅可以得騎射搏擊之士而不足以收韜略統馭 禦之若之何其猶不寒心而早圖之也臣愚以為今之 校試三年而選舉至於兵部自尚書以下其兩侍郎 於此使之相與磨確砥礪日稽月考別其才否比年而 才如今之提學之職者一人以教育之習之以書史騎 射授之以韜畧謀敵又於武學生之内歲升其超與者 之才令公侯之家雖有教讀之設不過虛應故事而實 無所裨益誠使公侯之子皆聚之一所擇文武無濟之 文章解體原選

所警於後具起殺妻忍人也而稱名將陳平受金貪夫 害敵情之虛實事勢之緩急無不深語熟察於平日則 所明必有所蔽而人之常情亦必有所懲於前而後有 有云茍為不畜終身不得臣願自今畜之也何謂舍短 以用長臣惟人之才能自非聖賢有所長必有所短有 一旦有急所以遥度而往蒞之者不慮無其人矣孟軻 二三人以從因使之得以周知道里之遠近邊關之要 之母歲更迭巡邊於科道部屬之內擇其通緣特连者

金ケビルイヨー

いくこうう ハトラ 矣臣常聞諸道路之言曩者邊關將士以驗勇強悍稱 艱難之際而必欲拘於規矩繩墨之中吾知其必不克 貪用人之智去其詐用人之勇去其怒夫求才於倉卒 之所以駕馭而鼓動之者何如耳故曰用人之仁去其 者多以過失罪名擯棄於開散之地夫有過失罪名其 彼之驍勇強悍亦誠有足用也且被擯棄之久必且悔 在平居無事誠不可使處於人上至於今日之多事則 也而稱謀臣管仲被囚而建霸孟明三北而成功顧上 文章辨體景道

敵猶且日費千金令以中國而禦外送非漕輓則無栗 彼又素熟於邊事加之以積憤之餘其與不習地利志 艾前非以思畬勵令誠委以數千之衆使得立功自贖 然後十萬之師舉夫古之善用兵者取用於國因糧於 謂使過也何謂簡師以省費臣聞之兵法曰日費千金 圖保守者功宜相遠矣古人有言使功不如使過是所 **|師其可以輕出乎臣以公差在外甫歸旬日遥聞出** 征輸則無財是固不可以言因糧於敵矣然則今日

金月四月石書

卷一百十一

Call on 1.47 矣夫兵固有先聲而後實者令師旅既行言已無及惟 邊草殆盡野無所獵三也以臣料之官軍甫至渠迹遁 多今速部諸將密於萬人之內取精健足用者三分之 有簡師一事猶可以省虛費而得實用夫兵費精不貴 **師竊以為不必然者何則北地多寒令炎暑漸熾彼性** 不耐我得其時一也彼恃弓矢令大雨時行筋膠解弛 二也彼逐水草以為居射禽畜以為食今已蜂屯兩月 而餘皆歸之京師萬人之聲既揚矣今密歸京師邊 文章解體清選

一躬之費豈不為兩便哉况今官軍之出戰則退後功則 金分四月五十 頓捐棄十而致一故兵法曰國之病於師者遠輸遠輸 惟兵以食為主無食是無兵也邊關轉輸水陸千里路 養之以其所以實京軍者而實之旬日之間數萬之衆 争先亦非邊將之所喜彼之請兵徒以事之不濟則責 關固不知也是萬人之威猶在也而其實又可以省無 有所分馬耳令誠於邊塞之卒以其所以養京軍者而 可立募於帳下奚必自京而出哉何謂屯田以給食臣 卷一百十一

之食亦可以少息輸飽矣此誠持久俟時之道王師出 於萬全之長策也何謂行法以振威臣聞李光弼之代 屯遥為聲勢以相犄角冦去仍復其業因以其暇繕完 **赵所拆毀邊墙亭堡以過衝突如此雖未能盡給塞下** 地給種授器待其秋成使之各食其力冠至則授甲歸 謀也三邊之戊方以戰守不暇耕農誠使京軍分屯其 軍官既不堪戰陣又使無事坐食以益邊困是與敵為 則百姓貧近師貴賣貴賣則百姓財竭此之謂也今之

**飲定四車全書** 

文章辨體原選

家之子弟即豪門之夤緣皆以權力而强委之也彼且 罰無所加兵因縱弛如此則是陛下不惟不真之罪而 戲下是以皆能振疲散之卒而推方强之敵今邊臣之 以武勇而收録之也則亦何不可之有然而此董非勢 失機者往往以計体脱朝喪師於東郵暮調守於西鄙 子儀也張用濟斬於轅門狄青之至廣南也陳曙戮於 自上犯之也今總兵官之頭目動以一二百計彼其誠 復為曲全之地彼亦何憚而致其死力哉夫法之不行 卷一百十一

钦定四軍全書 一 士卒奮勵軍威振肅克敵制勝皆原於此不然雖有百 矣其人何以臨師服衆哉臣願陛下手勅提督等官發 今之日即以先所喪師者斬於轅門以正軍法而所謂 法又敢斬之以殉乎是將軍之威固已因此革而索然 委之也敢以不受乎其受之也其肎以不庇乎茍戾於 頭目之屬悉皆禁令發回母使瀆擾侵冒以撓將權 之心與邊冠之怨為總兵者且復恃其權力以相後光其 需求刻剥騷擾道路仗勢以奪功無勞而冒賞懈戰士 文章辨體素選 則

之徳則我之兵勢日張士氣日奮而區區小醜有不足 |譬明以天倫激以大義懸賞以鼓其勇暴惡以深其怒 尤則生者自宜感動然後簡其强壯宣以國恩喻以敵 |戌其死亡者非其父母子弟則其宗族親戚也今誠撫 |萬之衆徒以虚國勞民而亦無所用之也何謂敷恩以 痛心疾首日夜淬礪務與之俱殺父兄之讐以報朝廷 其瘡痍問其疾苦恤其孤寡振其空乏其死者皆無怨 激怒臣聞殺敵者怒也今師方失利士氣消沮三邊之

悍以示弱或詐潰而埋伏或潜軍而請和是皆誘我以 也令敵勢方張我若按兵不動彼必出銳以挑戰挑戰 必固與之又曰佯北勿從餌兵勿食皆捐小全大之謂 破者矣何謂捐小以全大臣聞之兵法曰將欲取之 有剽掠之虞一以為當殺一以為可邀從之則必陷於 敵情虛實事難卒辯當其挑誘之時畜而不應未免必 利也信而從之則墮其計矣然今邊關守帥人各有心 不已則必設詐以致師或捐棄牛馬而偽逃或揜匿精 こうしいけ 文章 奸擅預選

嚴守以乗弊臣聞古之善戰者先為不可勝以待敵之 危亡之地不從則又懼干坐視之誅此王師之所以奔 敵勢方劇若復與之交戰是投其所長而以勝子敵也 縱許以便宜其縱之也不以為坐視其捐之也不以為 則我師常逸而兵威無損此誠勝敗存亡之機也何謂 逐疲勞損失威重而敵人之所以得志也令若恣其操 失機養威蓄憤惟欲責以大成而小小挫失皆置不問 可勝盖中國工於自守而蕃人長於野戰今邊卒新破 卷一百十一

多好四库全書

蓄力養鋭譬之積水俟其盈滿充溢而後垂怒息決之 我守既堅我氣既銳則是周悉萬全而所謂不可勝者 為今之計惟宜嬰城固守遠斥候以防奸勤間誤以謀 敵熟訓練以用長嚴號令以肅惰而又頻加犒享使皆 而破强敵令我食既足我威既盛我怒既深我師既逸 H 則其勢并力驟至於崩山漂石而未已也昔李牧備邊 可禁遏而始畬威并出若不得已而後從之是以 以牛酒享士士皆樂為一戰而收屢抑止之至其不 戰

しこうう

1.4.

文章解體景選

兵家之常談今之為将者之所共見也但今邊關將師 設伏悉師振旅出其所不趨趣其所不意迎邀夾攻首 我銳則敵日以鈍索情較計必將疲罷奔逃然後用奇 我怒則敵日以曲我逸則敵日以勞我堅則敵日以虛 以坚破虚以銳攻鈍所謂勝於萬全立於不敗之地而 尾横擊是乃以足當匱以盛敵衰以怒加曲以逸擊勞 不失敵之敗者也右臣所陳非有竒特出人之見固皆

|多好四月全書

既在於我矣由是我足則敵日以置我盛則敢日以衰

卷一百十

倦之至 **軼則委於無可奈何事憚煩難則為因循茍且是以翫** 熟議可否轉行提督等官即為斟酌施行母使視為虛 習弛廢 雖或知之而不能行類皆視為常談漫不加省勢有所 臣自七月以來竊見道路流傳之言以為陛下遣使外 文務欲責以實効庶於軍機必有少補臣不勝為國惟 こうし 諫迎佛疏 且未上稿 ~・ナブ 至於此陛下不忽其做乞勅兵部將臣所奏 文章解體素選 +

|使陛下好佛之心果已真切怨至不徒好其名而必務 |争力沮宜乎陛下之有所拂而不受忽而不省矣愚臣 將順擴充遡流求原而乃狃於世儒崇正之説徒爾紛 端之萌蘗羣臣之諫雖亦出於忠愛至情然而未能推 夷遠迎佛教羣臣紛紛進諫皆斥而不納臣始聞不信 之見獨異於是乃惟恐陛下好佛之心有所未至耳誠 既知其實然獨竊喜幸以為此乃陛下聖智之開明善 原陛下此念之所從起是乃為善之端作聖之本正當

多炭四库全書

各一百十一

立談之間豈能遽有所開發陛下聽之以為聖賢之道 傳四海即位以來偶值多故未暇講求五帝三王神聖 得其實不但好其末而必務求其本則充舜之聖可至 大元月月八十二 之道雖時御經筵儒臣進說不過日襲故事就文敷行 陛下言其好佛之實陛下聰明聖智昔者青宫固己播 三代之盛可復矣豈非天下之幸宗社之福哉臣請為 於遊心之樂盖亦無所用其聰明施其才力而偶託寄 不過如此則亦有何可樂故漸移志於騎射之能縱觀 文章辨體原選

金为四月子言 生去其苦惱而躋之快樂今災害日與盜賊日熾財力 損之事也哉馳逐困憊之餘夜氣清明之際固將厭倦 之豈徒息精養氣保全性命豈徒一身之樂將天下萬 日竭天下之民困苦已極使誠身得佛氏之道而拯救 心絕欲求全性命以出離生死又能慈悲普爱濟度羣 於此陛下聰明豈固遂安於是而不知此等皆無益有 下言者故遂遠思西方佛氏之教以為其道能使人清 日生悔悟日切而左右前後又莫有以神聖之道為陛 卷一百十

其末而務求其本陛下誠欲得其實而求其本則請母 之開明善端之萌縣者亦豈過為諛言以佞陛下哉陛 思欲一洗舊習之非而幡然於高明光大之業也陛下 民之困苦亦且因是而蘇息故遂特降綸音發幣遣使 こうし 武以臣言反而思之陛下之心豈不如此乎然則聖知 困斃不厭數年往返之遅久遠迎學佛之徒是益陛下 不憚數萬里之遥不愛數萬金之費不惜數萬生靈之 好佛之心誠至則臣請母好其名而務得其實母好 1.2. 文章好體源選

遠之具豈不利器乎然而用非其地則技無所施陛下 用佛氏之教以化濕愚頑在我中國自當用聖人之道 求諸佛而求諸聖人母求諸外國而求諸中國此又非 良為右非但不能利涉必且有沉溺之患夫車馬本致 以參對化育猶行陸者必用車馬渡海者必以舟航今 佛者夷狄之聖人聖人者中國之佛也在彼外國則可 臣之茍為遊說之談以誑陛下臣又請得而備言之夫 居中國而師佛教是猶以車馬渡海雖使造父為御王

| 豺定匹庫全書

卷一百十

| 匶頑就此二說亦復不過得吾聖人之餘緒陛下不信 若謂佛氏之道雖不可以平治天下或亦可以脫離 所崇慕釋迦者莫尚於脫離生死超然獨存於世今佛 其縊與後乃窺見聖道之大始遂棄置其說臣請母言 身之生死雖不可以參贊化育而時亦可以導羣品之 以克舜為最臣請以釋迎與克舜比而論之夫世之最 其短言其長者夫西方之佛以釋迦為最中國之聖人 則臣請比而論之臣亦竊當學佛最所尊信自謂悟得

大三日見 とき

文章辨體係選

ナニ

年 以親九族則九族既睦平章百姓則百姓昭明惕和萬 濟若堯舜則端拱無為而天下各得其所惟克明峻德 捨不惜頭目腦髓以救人之急難則其仁愛及物亦誠 氏之書具載始末謂釋迦住世説法四十餘年壽八十 邦則黎民於變時雅極而至於上下草木鳥獸無不咸 可 二歲而沒則其毒亦誠可謂高矣然舜年百有十歲克 謂至矣然必苦行於雪山奔走於道路而後能有所 一百二十歲其毒比之釋迎則又高也佛能慈悲施

多好四月百重

卷一百十一

與四時合其序與鬼神合其古凶其神化無方而妙用 舜則光被四表格於上下其至誠所運自然不言而信 悟犀迷戒人之酒止人之殺去人之貪絕人之嗔其神 若其仁爱及物比之釋迎則又至也佛能方便說法開 無體比之釋迦則又大也若乃詛咒變幻眩怪捏妖以 欺惑愚冥是固佛氏之所深排極詆謂之外道邪魔正 通妙用亦誠可謂大矣然必耳提面誨而後能若在堯 不動而變無為而成蓋與天地合其德與日月合其明 上年 押體報題 十四

毋好其名而務得其實毋好其末而務求其本務得其 者日日與之推求講究則必有能明神聖之道致陛下 與佛道相反者不應好佛而乃好其所相反求佛而乃 於克舜之域者矣故臣以為陛下好佛之心誠至則請 求其所排舐者也陛下若以尭舜既没必欲求之於彼 下未之求耳陛下試求大臣之中茍其能明尭舜之道 之道則吾中國之大顧豈無人能傳堯舜之道者乎陛 則釋迦之亡亦已久矣若謂彼中學佛之徒能傳釋迦

多定四库全書

在一百十一

**暫而求其本則請母求諸佛而求諸聖人母求諸外國** 前則不必原數萬之費斃數萬之命歷數年之久而 整鑿可證之言孔子云我欲仁斯仁至矣一日克已復 此又非臣之謬為大言以欺陛下必欲討究其説則皆 **堯舜之道則不必涉數萬里之遥而西方極樂則在目** 塵不動彈指之間可以立躋聖地神通妙用随形随足 而求諸中國者果非妄為遊說之談以誑陛下者矣陛 C. 19:21 1.45 下果能以好佛之心而好聖人以求釋迎之誠而求諸 **支貨辦體原選** † Ji.

照得正徳十四年七月內節據古安等一十三府所屬 萌不覺踊躍喜幸極進其將順擴充之說惟陛下垂察 虚謬則甘受欺妄之戮臣不知諱忌伏見陛下善心之 禮而天下歸仁孟軻云人皆可以為堯舜豈欺我哉陛 越之至專差舍人某具疏奏上以聞 則宗社幸甚天下幸甚萬世幸甚臣不勝祝望懇切隕 下反而思之又武以詢之大臣詢之羣臣果臣言出於 乞寬免稅糧急救民困以弭災變疏王守仁

多英四戽全書

卷一百十

求無厭之惡由是人心稍稍安集竹逆趨順老弱居守 税糧諭以臣子大義由祖宗休養生息之澤暴寧王誅 枯死續該寧王謀反乗爨鼓亂傳播偽命優兇租稅小 月不雨禾苗未及發生盡行枯死夏稅秋糧無從辨納 人惟利是趨洶洶思亂臣因通行告示許以奏聞優兒 吏老人踏勘前項地方委自三月以來雨澤不降禾苗 人民愁嘆將及流離中乞轉達寬免等因到臣節差官 廬陵等縣各申為旱災事開稱本年自三月至於秋七 し在時度最後

|礼將治之何如蒙俯察乞勅該部暫將正德十四年分稅糧 **岩江西之民亦已廢耕耘之業事征戰之苦况軍旅旱** 冗員之俸損不急之賞止無名之徵節用省費以足軍 國之需天下幸甚緣由於本年七月三十日具題請古 通行優免以救殘傷之民以防變亂之階伏望皇上罷 死溝壑流散四方乎設或饑寒所迫徵輸所苦人自為 丁壯出征團保饋餉邑無遺戸家無遺夫就使雨賜時 時併作雖富室太户不免饑饉下户小民得無轉 卷一百十一

多定匹库全書

捷之下郡縣官吏成赴省城與兵馬住屯之所奔命聽 業與良善守死者十之二三又皆顛頓號呼於挺刃捶 臨填城塞郭百姓戊守鋒鏑之餘未及息肩弛擔又復 棄委溝壑校健者逃竄山澤羣聚為盜獨遺其稍有家 料骨髓竭於徵輸當是之時鳥驚魚散貧民老弱流離 殺死扶傷呻吟奔走以給厮養一應誅求妻孥鬻於草 未奉明降随蒙大駕親征京邊官軍前後萬數沓至并 不得較恤民隱上下沟沟如駕漏船於風濤顛沛之 こして 年 神はまたと

歲額之徵已下漕運交兒之文已促督催之使切責之 |税賦之不免徴科之未完乎當是之時雖臣等亦皆奔 中惟懼覆溺之不暇豈遑復顧其他為日後之慮憂及 延望歸尋其故業足未入境而頸已繫於追求者之手 檄已交馳四集矣流移之民間官軍之將去稍稍脇息 乎若是者又數月京邊官軍始將有旅歸之期而户部 月之慮憂及賦稅之不免徴科之未完而暇為之復請 走道路危疑倉皇恐不能為民請一旦之命豈遑為歳

欽定四庫全書

卷一百十一

竊相傷嗟謂宸濠叛逆獨知優免租稅以要人心我董 皆朝廷亦子皆當過骨髓出死力以勤國難今困窮已 矣夫荒旱極矣而又因之以變亂變亂極矣而又加之 こうしん 有追征之令関然與怨謂臣等昔日蠲賦之言為給已 呼匍匐訴告喧騰求朝廷出帑藏以脈濟久而未獲反 而版其膏血有人心者而尚忍為之乎今遠近軍民號 以師旅師旅極矣而又竭之以供饋益之以誅求急之 以征飲當是之時有目者不忍睹有耳者不忍聞又從 文章并禮原選

待死乎今朝廷亦當有寬恤之令矣亦皆有服濟之典 多定四库全書 **苦止有捶剥之災自非禮義之士孰同閉口枵腹坐以** 矣然寬恤賑濟内無帑藏之發外無官府之儲而徒使 無家業衣食之資無父母妻子之戀而又旁有追呼之 復之望又為流徒之圖計窮勢迫匿而為奸肆而為寇 極獨不蒙少加優恤又從而追征之將何以自全是以 两月以來有司之以鼠竊警報者月無虛日無怪也彼 今之而益不信撫之而益憤憤諭之而益败奴甫懷收 在一百十一

こくこりき ハトラ 富民則又皆貧民矣削貧以濟貧猶割心臠肉以啖口 易行今不免租稅不息誅求而徒曰寬恤賑濟是奪其 恤之虚文不若蠲租之實惠賑濟之難及不若免租之 將救汝之死儿有血氣皆將不信之矣夫户部以國計 口中之食而曰吾將療汝之饑到其腹皆之肉而曰吾 之賴以生者不能什一民之坐而死者常十九矣故寬 有司措置措置者豈能神輸而鬼運必將取諸富民今 口未飽而身先斃且又有侵尅之弊又有漁獵之奸民 文章辨體原選 九

年該省錢糧悉行寬免其南昌南康九江等府殘破尤 伏望皇上軫念地方塗炭之餘小民困苦已極思邦本 之使然但民者邦之本邦本一搖雖有栗吾得而食諸 甚者重加寬貸使得漸回喘息修復生理非但解江西 之當固應禍變之可憂乞勃該部速將正徳十四十五 下之幸宗社之福也夫免江西一省之糧稅不過四十 一省之倒懸臣等無地方變亂之禍得免於誅戮實天

到玩四周至書

為官漕運以轉輸為任今歲額之催交兒之促皆其職

卷一百十一

|據江西按察司分巡鎮北道兵備副使楊璋呈據 救民困以弭災變事理為此具本請旨 |臣等點歸田里早賜施行以舒禍變緣係寬免稅糧急 萬石令各四十萬石而不肯蠲異時禍變卒起即出數 濟民困徒痛哭流涕一言小民疾苦之狀惟陛下速將 臣等上不能會計征飲以足國用下不能建謀設策以 百萬石既已無救於難矣此其形迹已見事理甚明者 利頭捷音疏王守仁 文章辨體原卷

たこりきによう

主

多好四月全書 倉二百五十三間及奪獲器械等物二哨統兵贛州府 六名顆俘獲賊屬男婦五十六名口焼毀賊巢房屋禾 祥陳秀謙張秀鼎等七名顆城從陳希九等一百二十 初七日攻破曲潭等巢十一日攻破半逕等巢共五處 統兵守備南贛二府地方以都指揮體統行事指揮使 郊文呈稱統領安遠縣義民孫洪舜等兵於本年正月 知府那珣呈稱督同同知夏克義知縣王天與典史梁 二月二十六日與賊戰於水源等處擒斬大賊首具積 卷一百十

たとりう 一首陳活點等十一名顆俘獲賊屬男婦及奪獲器械脈 障等處二月初二等日與賊戰於和平等處擒斬大賊 破熱水等巢初九等日攻破鐵石障等集覆賊於五花 督同通判徐璣新民廬琢等官兵於正月初七等日攻 |脏仗牛馬等項三哨領兵廣東惠州府知府陳祥呈稱 |賊於白沙擒斬大賊首黄佐張廷和王蠻師等及奪獲 等巢初九日攻破黄田坳等巢共四處二十五等日覆 儀老人葉秀芳等官兵於正月初七等日攻破芳竹湖 ~.·\*·! 文章解體承選 +

賴振禄等九名顆賊從賴賤仔等三百五十名顆及奪 導藍鐸等官兵於正月初三日攻破石坑等巢十一 上中下三剂大巢十一日攻破空甘等巢擒斬大賊首 **獲賦銀等物五哨統兵贛州衛指揮余恩呈稱統領新** 攻破新田逕等巢又與戰於風門與等處擒斬大賊首 民百長王受等兵於正月初七日會同推官危壽攻破 劉成珍等四名照賊從胡貴琢等一百三十名顆及奪 銀牛馬等項四哨統兵南安府知府季數呈稱統制訓 日

金与四月全書

百百

等十二名顆賊從黃穏等二百一十一名期俘獲賊屬 ここうし 1.45 月 攻破上中下三浰大巢初十等日攻破鎮里寨等巢共 稱統領義官禁芳等兵於正月初七日會同指揮余恩 四處二十七日覆賊於中村等處擒斬大賊首池仲寧 獲器械牛馬等項六哨統兵贛州衛指揮呈稱統領新 及奪獲器械牛馬等項七哨統兵贛州府推官危壽呈 日覆賊於烏虎鎮擒斬大賊首謝鑾曾用奇等五名顆 民梅南春等兵於正月初七日攻破淡方等巢二十七 **丈章辨禮承獲** Ī

牛馬贓銀等項九哨統兵南安縣縣丞舒富呈稱統領 等巢共六處擒斬大賊首謝鳳經吳字張廷與石榮等 義民趙志標等兵於正月十一等日攻破旗嶺等巢共 俊呈稱統領義官陳英等兵於正月初七等日會同指 男婦及奪獲贓仗牛馬等項八哨統兵贛州衛千户孟 揮余恩攻破上中下三浰大巢初十等日攻破大門山 二處二月十四日與賊戰於乾村等處擒斬賊從劉三 **九名顆賊從張角子等一百九十二名顆及奪獲器械** 在一百十

多英匹库全書

經歷王祚随該本道親詣該縣暫將各城招安發回原 援等因該本道議奏經歷王祚縣及舒富領兵剿捕斬 容等突來本縣殺人放火見今攻城不退乞要發兵救 巢經歷王祚送出然將失事知縣王天爵等俱各有罪 獲賊級四顆被賊殺死報効義士楊習舉等十名執去 二月初七日龍南縣城首黃秀點斜合廣東城首池仲 先為地方緊急賊情事據信豐縣所呈稱正徳十二年 一百七名顆及奪獲器械等物等因呈報到道查得

しいりら ハナラ

支章辨體原選

7

到戶四月全書 賊首池仲容等本院已行計誘擒獲見令軍勢頗振若 設法剿捕事理部勒兵眾分布哨道行仰守備指揮并 免有失事機之會本院除遵奉勅諭內自行量調官軍 廣東龍川縣浰頭等處城巢奉有成命應該會剿其大 月初三日奉提督軍門紙牌議照上猶等縣賊巢既平 及將前賊應剿原由呈詳轉達具奏外正德十三年正 知府等官郊文陳祥等統領各授進止方名外備仰本 不垂此機會出其不意搗其不備坐視待廣兵之來未 卷一百十

いくこうう |歲無虛日曾經狼兵夾攻屢次俱被漏網是乃衆賊奸 · 吕等縣屬被攻圍城池殺害官軍焚焼村寨虜殺男婦 偽設官職廣東翁源龍川始與江西龍南信豐安遠會 池 | 鹹仗賊銀俱貯庫外然照浰頭大賊首池仲容池仲寧 一職前去軍前紀殿功次及催各哨官兵上緊依期進剿 仍行巡按衙門前來覈實施行等因紀驗明白生擒賊 仲安高允賢李全等盤據一方歷有歲年皆稱王號 解赴提督軍門斬首泉示賊屬男婦變賣銀兩點械 1.4. 文章辨體展選 二十四

得南贛盜賊其在南安之橫水桶岡諸集則接境於湖 连等因據呈到臣卷查先為地方緊急賊情續該臣看 艱險之不解洞見敵情而撫剿之有道以是數十年之 皆仰仗朝廷德威遠播廟堂成等無遣提督軍門質罰 多分四月全書 以信而號令嚴明師出以律而機宜慎密身先士卒而 身就擒仲寧仲安等一時授首各巢賊從擒斬殆盡 雄之巨擘三省羣盗之根源也今幸天奪其魄仲容束 巨冠一旦削平連四省之編氓永期安輯呈乞照詳 卷一百十一 轉 H

擾思有以沮離其黨臣乃自為告諭具述禍福利害使 廣東會兵徐圖利頭如攻堅木先其易者後其節目自 熙兵部咨示方畧初議先攻横水次攻桶岡而末乃與 **賊狡而勢聚結黨與之助以相援臣等遵奉勅諭及查** 彬者賊衆而勢散恃山谿之險以為固連界於閩廣者 彬在贛州之利頭岑岡諸巢則連界於閩廣接境於湖 正徳十二年九月臣等議將進兵橫水恐浰賊乗虚出 こうし 効生員黃表義民周祥等往諭各賊因皆賜以銀布 文章好體景題 三 十 <u>瓦</u>

等遣人出投亦未為晚其時臣等兵力既未能分意且 鬢獨憤然謂其衆曰我等做賊巳非一年官府來招亦 悉以為兵使從征橫水十月十二日臣等已破橫水仲 羈縻令勿出為患故亦不復與較金巢等至臣乃釋其 仲秀等遂皆願從表等出投惟大賊首池仲容即池大 多定匹库全書 時賊黨亦多感動各寨首長黃金巢劉遜劉粗眉温 推誠厚撫各願出力殺賊立効於是籍其衆五百餘 一次此亦何足為憑待金巢等到官後果無他說我 卷一百十一

贼害者皆詣軍門計事旬日之間至者數十問所以攻 **繫外示寬假之形以安其心陰使人分召鄰賊諸縣被** 衆截路於上新地以遠其歸途内嚴警禦之備以防其 容等聞之始懼計臣等必且以次加兵於是集其首豪 大江り東人か 剿之策皆以此城狡計兇悍非比他城其出刼行剽皆 亦赴臣所投招求随衆立勁意在緩兵因而窺覘虚實 池仲寧高雅甲等謀使其弟池仲安率老弱二百餘徒 **乘間內應臣逆知其謀陽許之及臣進攻桶岡使領其** 文章辨體原選

益無忌憚今已借號設官奸計逆謀尤非昔比必欲除 謀愈熟惡焰愈熾官府無可奈何每以調狼兵恐之彼 有深謀人不能測自知惡極罪大國法難容故其所以 亦不能大捷後雖敗遯所殺傷亦畧相當近年以來奸 扞拒之備亦極險譎前此兩經夾剿皆狼兵二三萬竟 **輙謾曰狼兵易與耳縱調他來也須半年我縱避他只** 非大調狼兵事恐難濟臣以為兵無常勢在因敵 月其意謂狼兵之來不能速其留不能久也是以

金为四月子言

卷一百

りてこり こうこう 酋長牛酒以察其變賊度不可隐則詐稱龍川新民盧 化而制勝今各賊狙於故常且謂必待狼兵而後敢攻 臣亦陽信其言因復陽怒盧珂鄭志高等擅兵讐殺移 珂鄭志高等將掩襲之是以客為之防非敢虞官兵也 聞臣等復破桶岡益懼為戰守備臣使人至賊所賜各 此所以不必狼兵而可以攻之也乃為密畫方略使數 十人者各歸部集候我兵有期則據險遏賊十一 川使廉其實且趣各城伐木開道將回兵自利 **丈敢骅愷素矍** 干七 月賊

變謂池仲容偕號設官今已點集兵衆號召遠近各巢 禦之盧珂鄭志高陳英者皆龍川舊招新民有衆三千 伐之且喜且懼因遣來謝且請無勞官兵當悉力自防 **賊首授以總兵都督等偽官使侯三省夾攻之兵一至** 忌之十二月望臣兵回至南康盧珂鄭志高等各來告 餘遠近皆為仲容所督而三人者獨與之抗故賊深豐 即同時並舉行其不軌之謀及以偽授盧珂等官爵金 取道往討之賊聞以為臣等實有回師之意又恐假道 卷一百十一

多埃以库全書

之意欲以誘致仲容諸賊且使盧珂等先遣人歸集其 其黨屬盡斬之於是遂械繫盧珂而使人客喻以陽怒 弟領兵報劾誠心向化安得有此遂收縛珂等將斬之 龍覇王印信文書 耀拜惶呼競訴珂等罪惡臣因亦陽令具狀謂將并拘 時池仲安之屬方在營見珂等入首大熊懼至是皆喜 死令又造此不根之言垂機誣陷且池仲容等方遣其 珂等來即陽怒以為爾等擅兵警殺投招之人罪已當 こうし 1.4. 紙粘狀來首臣先已誤知其事及 文章鄉機源選 二十<u>八</u>

歸具言其故城衆皆喜遂弛備臣又使指揮余恩實歷 南安賊巢皆已掃荡而浰頭新民又皆誠心歸化地方 訴二十日臣兵已還輸乃張樂大享將士下令城中令 歸農示不復用而使池仲安亦領衆歸助其兄防守且 衆候珂等既還乃發臣又使生員黃表聽選官雷濟往 自此可以無虞民久勞苦亦宜暫休為樂遂散兵使各 喻仲容使勿以自疑密購其所親信陰說之使自來投 云廬珂等雖已繫於此恐其黨致怨或掩爾不虞仲安

多定四月全書

**卷**一百

+ 1

往賜仲容等今母撤備以防盧珂諸黨賊衆益喜黃表 議率其麾下四十餘人自詣贛臣使人探知仲容已就 其衆曰若要伸先用屈贛州伎俩亦須親往勘破遂定 雷濟因復說仲容令官府所以安輯勞來爾等甚厚何 為詐殺之必矣所購親信者復從力替仲容然之乃謂 而往因面訴珂等罪惡官府必益信爾無他而謂珂等 阚等若拘而不至者即可以證及狀之實令若不待拘 可不親往 謝况盧珂等日夜哀訴反狀乞官府試拘

「くこうう」 ニトラ

文章解體原選

二十九

動戶四月全書 尊送出境俊已先至龍川始發牌部勒盧珂等兵衆賊 户孟俊先至龍川督集盧珂鄭志高等兵然以道經洌 戲為樂信以為不復用兵密略獄卒私往覘廬珂等又 仲容等至贛見各營官兵皆已散歸而街市多張燈設 聞之皆以為拘捕其屬不復為意閏十二月二十三日 巢恐摇諸賊則又别費一 各賊聞俊往果遮迎問故俊出牌示之乃皆耀拜相爭 道乃密遣人先行屬縣勒兵分哨道候報而發又使干 卷一百十 牌以拘捕盧珂等黨屬為名

告狀訊鞫皆伏遂真於獄而夜使人趨發屬縣兵期以 於庭先伏甲士引仲容入并其黨悉擒之出盧珂等所 所屬官僚次設羊酒日搞仲容等以緩其歸正月三日 得萬全矣臣乃夜釋盧珂鄭志高等使馳歸發兵而今 果械緊深圈中乃大喜遣人歸報其屬曰乃今吾事始 初七日同時入巢於時知府陳祥兵從龍川縣和平都 度盧珂等已至家所遣屬縣勒兵當已大集臣乃設搞 指揮姚璽兵從龍川縣烏虎鎮入千户孟俊兵從 1.1. 文章辨體素選 = †

危壽兵從龍南縣南平入知府邢珣兵從龍南縣太平 使各哨分路同時並進會於三剂先是賊徒得池仲容 臣自率帳下官兵從龍南縣冷水逕直搗下浰大巢而 保 川縣平地水入指揮余恩兵從龍南縣高沙保入 兵四路並進皆驚懼失措乃分投出禦而悉其精銳干 報謂贛州兵已罷歸皆已弛備散處各巢至是驟聞官 兵從信豐縣黄田岡入縣丞舒富兵從信豐縣鳥逕入 入守備指揮郊文兵從龍南縣冷水逕入知府季數 (推官

銀定匹庫全書

在一百十

欠足り最上的 賊皆潰奔知府陳祥兵遂破熟水巢五花障巢指揮 賊乃大敗奔潰呼聲振山谷我兵乗勝逐北遂克上中 户孟俊兵從傍繞出岡竹横衝賊伏與王受合兵於是 危壽所領義官葉芳兵鼓噪而前復奮擊賊伏兵後千 賊敗却王受等奮追里許賊伏兵四起奮擊王受推官 餘據險設伙併勢迎敵於龍子嶺我兵聚為三衝犄角 而前指揮余恩所領百長王受兵首與賊遇大戰良久 下三利各哨官兵遥聞三浰大巢已破皆奮勇齊進各 文章鄉體操選 Ŧ

鐵石障果羊角山果獲賊首金龍霸王印信旗袍知府 破芳竹湖白沙巢守備指揮郟文兵遂破曲潭巢赤唐 各哨官兵探賊所往分投急擊初九日知府陳祥兵破 死者不可勝計是夜賊復奔聚未破巢穴次日早乃令 **蟹兵遂破淡方巢石門山巢上下陵巢知府那珣兵遂** 以賊級俘獲城屬男婦牛馬罷仗數多其餘隆崖填谷 珣兵破黄田坳巢指揮姚璽兵破岑岡巢指揮余恩 知府季歌兵遂破右坑巢三坑果是日擒斬首從賊

金ブノヒアノニー

卷一百十

化三可豆 八十 屬男婦牛馬羯仗數多然各巢奔散之賊其精悍者尚 風盤巢茶山巢連日各擒斬首從賊人賊級并俘獲賊 村巢守備郊文兵破半逕巢都坑巢尺八嶺巢知府季 巢推官危毒兵破鎮里寨巢十一日知府那珣兵破中 舒富兵破旗箱巢頓岡巢十三日千户孟俊兵破狗脚 **斆兵破新田逕巢古地巢指揮余恩兵破空背巢縣丞** 坳巢水晶洞巢五湖巢蓝州巢十六日推官危毒兵破 兵破塘含洞巢溪尾巢初十日千户孟俊兵破大門山 文章辨體原選

據險自上發石滾木我兵百無一全於是乃選精鋭七 其内東接龍門山後諸處賊巢以百數若我兵進逼賊 百餘人皆衣所得賊衣佯若奔潰者垂暮直衝賊所據 緩不及事止有賊所屯據崖壁之下一道可通然賊已 無把截之兵欲從傍縣潜軍斷其後路必須半月始達 山勢極高橫亘數百餘里四面斬絕我兵既不得進而 金贝四月全書 必奔往其間誘激諸巢相連而起勢益難制然彼中既 百餘徒復哨聚九連大山扼險自固當臣看得九連 卷一百十一

|城不能支乃退敗臣度其必潰預令各哨官兵四路設 |我兵亦佯與呼應賊疑不敢擊已度險遂扼斷其後路 屋下澗道而過賊以為各巢敗散之黨皆從崖下招 壽兵覆賊於中村知府季數兵覆賊於北山又戰於風 銀坑水二十七日指揮姚璽兵覆賊於烏虎鎮推官危 五花障知府那珣兵覆賊於白沙指揮余恩兵覆賊於 次日賊始知為我兵并勢衝敵我兵已據險從上下擊 以待城果分隊潜遯二十五日知府陳祥兵覆賊於

たいりき という

文章解體原選

-+ - 順 戰於乾村又戰於梨樹十四日 祥兵復與賊戰於鐵障山十四日縣还舒富兵復與賊 官危毒指揮余恩兵復與賊戰於黃坳十二日知府陳 復與賊戰於平和初五日復戰於上平下平初八日 門與其餘奔散殘黨尚三百餘徒分逃上下坪黃田坳 諸處各哨官兵復黏踪會追二月初二日知府陳祥 戰於芳竹湖二十三日縣丞舒富兵復與賊戰於北 戰於和洞二十六日守備郊文兵復與賊戰於水 卷一百十 知府邢珣季數兵復與 推 兵

多好四月全書

多三月初三日據鄉導人等四路爪探皆以為各巢積 こうえ 情臣量加責治随遣知府那珣往撫其衆籍其名數遂 惡免狡之賊皆已擒斬界盡惟餘黨張仲全等二百餘 其甲首張仲全等數人前來投見訴其被脅不得已之 心投招臣遣報効生員黃表往驗虚實果如所探因引 未久之人今皆勢窮計迫聚於九連谷口呼號痛哭誠 徒其間多係老弱及遠近村寨一時為賊所驅脅從惡 源戰於長吉戰於天堂縣連日擒斬首從賊人賊級數 1.4. 文章呼禮原選 三十四

安插於白沙初七日據知府邢珣等呈稱我兵自去歲 衆及義官葉芳等并各村鄉居民亦告前情臣因親行 疾疫無之農功已動人懷耕作合行撫順下情還歸息 已掃蕩餘黨不多又蒙撫順招安况今陰雨連綿人多 七日起至三月初八日止前後兩月之間通共搗過果 可以久安長治之策留兵防守而歸益自本年正月初 二月從征閩冠迄今一年有餘未獲少休今幸各巢賊 視險易督同副使楊璋知府陳祥等經理立縣設隘 卷一百十一

多员四月全書

官審驗紀録仍行紀功御史覈實施行具由呈報去後 史毛鳳然照大賊首池仲容等荼毒萬民騷擾三省陰 穴三十八處擒斬大城首二十九名顆次賊首三十 ここうことこころ 五千九百五十五名顆口隻匹件把俱經行令兵備等 十件把贓銀七十兩六錢六分總計擒斬俘獲奪獲共 今據前因臣等會同江西巡按御史屠僑廣東巡按御 口奪獲牛馬一百二十二隻匹罨械贓仗二千八百七 名顆從賊二千零六名顆俘獲賊屬男婦八百儿十名 **走節辨體養養** t F

黨素所向服是以負固恃頑屢征益熾前此知其無可 奈何亦惟茍且招安以幸無事其實無救茶毒之慘益 圖 又皆力搏猛虎捷競飛孫兇惡之名久巳著聞四方賊 妖邪日夜規圖漸成奸計無之賊首池仲容池仲安等 而實懷替擬割據之志故其招致四方無籍隱匿遠近 尤為桀驁難制葢上猶諸賊雖有僣竊不軌之名而徒 劫掠焚焼是嗜至於利頭諸賊雖亦剽劫擄掠是資 不執積有年歲設官借號罪惡滔天比之上猶諸賊

舒定四月全書

在一百十

**管夾攻二次計制數番以兵則前者强而令者弱前者** 於責任之專一而敗於職守之分撓就今事而言前此 養好完之謀今乃臣等驅不練之兵資缺乏之費不踰 老練之士而今者乃若臣之迂踈淺劣然而計功較績 則前者再倍而令者什一以任事之人則前者多知謀 數萬而今者數千以時則前者期年而今者兩月以費 朝廷威德廟堂成第何以及此臣等竊惟天下之事成 两月而破奸雄不制之虜以除三省數十年之患此非

トペニショ ニトー

**文章解體原選** 

三大

到分四周全書 之算於廟堂收折衝之功於樽俎實用兵之要道制事 希賞者知無侵削之弊而畢致其死是乃所謂得先勝 弊處置得宜既假臣以賞罰之權復改臣以提督之任 而人皆踴躍爭先効謀者知無沮撓之患而務竟其功 抑守臣干預之請授之方畧而不拘以制責其功成而 不限以特以故詔旨一 既以兵忌遥制而重各省專征之責又愿事或牵狃而 顧反有加於昔何哉寶由朝廷之上明見萬里洞察往 頒而賊先破膽奪風咨文一 卷一 百十 一布

親行陳屢立戰功俱合獎擢庶示激揚以為後勸臣本 官危毒指揮余恩姚璽及千户孟俊縣丞舒富等皆身 旌始謀及照兵備副使楊璋監軍給餉紀功督戰備歷 伏願皇上推成功之所自原發縱之有因底無偕賞以 之良法也事每如此天下之治有不足成者矣臣等偶 凡庸繆當重任偶逢事機之會幸免覆餗之誅然功非 叨任使何幸濫竽成功敢是獻捷之餘拜首稽首以賀 勤宜加顯捏守備指揮郟文知府陳祥邢珣李數推

ここうう しょう

文章辨雅素選

三十七

多异四库 平不慮燈各曲用容歸胡祥賞為山 地復阿設道行兵請塗虚重與極泉 |水疑||於戲||勒反||之降|二寶||賄盤||難子| ۲ 全書 踰 入慮||銀示||兵間||意陰||也因||賊結||者日| 者八|後不|分五|四藏|陽為|黨恐|今子| 分謹 以也今用哨也也殺怒內剪其讀觀 奏候古 至由池兵候令又機廬應其乘其利 龍是仲啟報黄反三阿之羽虛疏頭 田兵容其而表令也聲計显出之賊 |岡自||規深||後雷||池記||其乃| 一揭始其 61 +4 入和|之信|六濟||仲諭||擅陽||也既||末桀 者平於無也使容軍兵許池喻其鶩 凡都, 张備及仲防民學之仲以出狡 |以七||池客|備久||殺仍|安禍||奇猾 道者信也伸來 應勞之截率福有直 |我命|容謝||珂休||罪路||老復十如 |謂虎|直後|來客|顧息|陽上|弱令| 狼 |疾鎮||惡卒||動||倒示|與以||來黄||馬覓 雷入[虚械]又各反不池緩|降表因數 者|珂繋|張縣|覆復|仲其|以周|其殺

駠 脱 得先因寧王圖危宗社與兵作 ) 寓题|從黨||雄自|示剂 随 擒獲宸 奔兵固城巢俊掩散上從致恐至耳 看得寧王虐焰張熾臣以百數疲弱之卒 1.1. 其搖 捷音疏 國電|圍與|得止 成我如呼,賊有呼骨,珂続 文章解體原送 又兵魚應 鄭出 文破遊結衣路 志岡 於好之可及以 善如釜從混通賊拿 人我"帽廬"為衝 亂 於推十而 ė 斷賊兵聚珂 經具奏請 容拉也其巢寸 九黨|攻陣 朽至後使步連屬之 テ人 化含其路賊不大為計也 末我認進山名以使 畜 兵征 聚兵為乃扼以道 積亦賊以險牌經戸

輕舉縣進乃退保古安姑為奉制之圖時遠近軍民初 激發忠義移機遠近布朝廷之深仁暴寧王之罪惡於 羅偽監察御史張鰲山食事劉藍進士郭持平然謀驛 該府鄉官都御史王懋中編修鄒守益郎中曾直評事 府知府伍文定等調集軍民兵快召募四方報刻義勇 **丞王思李中按察使劉遜然政黃繡知府劉昭等相與** 之士奏留監察御史謝源伍希儒分職任事一面約會 於寧王之積威道路以目莫敢出聲臣一面督率吉安

多员四库全書

卷一百十

にこりら とこう |官王暐徐文英知縣李美李楫王天與王見各以其兵 |於是知府戴德儒徐連邢珣通判胡克元童珂談儲推 一十五日會臨江之權樹而身督知府伍文定等兵徑下 使守江西省城而自引兵向闕臣晝夜促兵期於本月 無臣至七月初二日探知臣等兵尚未集乃留兵萬餘 京尚未有備恐為所襲乃先張疑兵於豐城示以欲攻 是豪傑響應人始思奮時寧王聲言先取南京臣應南 之勢故寧王先遣兵出攻南康九江而自留居省城以 文章辨體原選 十九

金灰四月至書 皆奔告城中城中皆已驚懼至是復聞我師四面驟集 以援省城臣乃遣奉新知縣劉守緒等從問道夜襲破 廣潤等七門是日得謀報寧王伏兵千餘於新舊墳殿 來赴十八日遂至豐城分哨道使知府伍文定等進攻 砲機械無不畢具臣所遣兵已破新舊墳殿敗潰之卒 再暴寧王之惡莫不切齒痛心踴躍激奮薄暮齊發一 之以摇城中十九日發沛汉大誓各軍中布朝廷之威 日黎明各至汛地先是城中為備甚嚴深木灰瓶火 卷一百

益震駭奪氣我師乘其動摇呼讓並進梯絙而登城中 機擒勘於本月二十二日已經具題外當於本日據諜 報及據安慶逃回被虜船户十餘人報稱寧王於十 儒權令審驗紀錄及一面分兵四路追躡寧王向往相 庫謹關防以撫軍民除將擒斬功次發御史謝源伍希 延及居民房屋臣當令各官分道救火散釋存從封府 太監萬銳等千有餘人寧王宫中眷屬聞變縱火自焚 こうえ ·兵皆倒戈退奔城遂破擒其居守宜春王拱樤及偽 1 . . . **支章辨體素題** /9 十 一

城中軍民震駭乞作急分兵歸援寧王聞之大恐即欲 泊院子江會議先遣兵二萬歸援江西寧王亦自後督 大寶則江西自服寧王不應次日遂解安慶之圍移兵 兵直趨安慶臣以九江南康皆已為賊所據而南昌城 兵随來等因先是臣等駐兵豐城衆議安慶被圍宜 有守城萬門官差人來報輸州王都堂已引兵至豐城 日攻圍安慶未下自督兵夫運土填輕期在必尅是日 回舟因太師李士實等勸沮以為必須選往南京既登 3

多好四库全書

卷一百十一

一好同領兵知府會集監軍及倡義各鄉官等官議所以 破膽奪氣失其根本勢必歸救如此則安慶之圍自解 中必已震懾因而併力急攻其勢必下已破南昌賊先 方之援又不可望事難屬矣令我師驟集先聲所加城 中南昌之兵絕我糧道而九江南康之賊合勢捷躡四 賊必回軍死關安慶之兵惟能自守必不能援我於湖 中數萬之衆精悍亦且萬餘食貨充積我兵若抵安慶 してこうきしょう 而寧王亦可以坐擒矣至是得報果如臣言所料當臣 文章辨體索選 19

若先出銳卒乘其惰歸要迎掩擊一挫其鋒衆將不戰 一爵之利為說今出未旬月而無退歸士心既已携沮我 | 禦之之策衆多以寧王兵勢衆盛氣焰所及有如燎毛 金月四月全書 敵與之奇正相角所以鼓動扇感其下者全以進取封 然其所過徒恃焚掠屠戮之慘以威切遠近未常逢大 鄰之援然後徐圖進止臣以寧王兵力雖强軍鋒雖銳 而萃於我勢必不支且宜飲兵入城堅壁自守以待四 今四方之援尚未有一人至者彼憑其憤怒悉衆併力 卷一百十

てこりを 設伙候伍文定等兵交然後四起合擊分布既定臣乃 州府知府陳槐兵亦至於是遣知府伍文定邢珣徐廸 判胡克元童琦談儲推官王辟徐文英知縣李美李楫 戴德儒合領精兵五百分道並進擊其不意又遣都指 王晃王軾劉守緒劉源清等使各領兵百餘四面張疑 揮余恩以兵四百往來湖上以誘致賊兵知府陳槐通 自溃所謂先人有奪人之氣攻瑕則坚者瑕也是日撫 ·脈城中軍民應宗室郡王將軍或為內應生變親慰 たいナジ 大童解體原選 四十二

家渡其氣驕甚伍文定余恩之兵佯北以致之賊爭進 官爵能逃歸者皆免死斬賊徒歸降者給賞使內外居 多为四月至書 两異以分其勢二十四日早賊兵鼓課孫風而前逼黃 其前余恩繼其後那珣引兵統出賊背徐璉戴德儒張 計其數臣乃分督各兵垂夜趨進使伍文定以正兵當 諜報寧王先鋒巳至樵舍風帆蔽江前後數十里不能 諭之以安其心又出給告示凡豹從皆不問雖常受賊 民及嚮道人等四路傳播以散解其黨二十三日復得 F

大足り長に時 稍稍通散寧王震懼乃身自激勵將士賞其當先者以 益師是日建昌知府曾與引兵亦至臣以九江不破 千金被傷者人百兩使人盡發九江南康守城之兵以 越利前後不相及那珣之兵從後横擊直貫其中賊敗 級落水死者以萬數賊氣大阻引兵退保八字腦賊衆 **課並起賊不知所為遂大潰追奔十餘里擒斬二千餘** 湖兵終不敢越九江以援我南康不復則我兵亦不 走丈定恩督兵乘之璉徳儒合勢夾攻四面伏兵亦呼 -文章辨體原選 四十二 則

走遂大敗擒斬二千餘級弱水死者不計其數城復退 其鬚不敢退奮督各兵殊死並進砲及寧王舟寧王退 保樵舍連舟為方陣盡出其金銀以賞士臣乃夜督伍 盛氣挑戰時風勢不便我兵少却死者數十人臣急領 踰南康以躡賊乃遣知府陳槐領兵四百合饒州知府 人斬取光却者頭知府伍文定等立於銃砲之間火燃 知府周朝佐之兵乘間以攻南康二十五日賊復并力 林城之兵乗間以攻几江知府曾與領兵四百合廣信 卷一百十

金りいたと

|官李士實劉養正劉吉屠欽王綸熊瓊盧珩盧璜丁瞶 成敗者將引出斬之爭論未决而我兵已奮擊四面而 及偽太師國師元帥然賛尚書都督都指揮千百户等 集火及寧王副舟衆遂奔散寧王與妃嬪泣别妃嬪宫 朝羣臣拘集所執三司各官責其間以不致死力坐觀 人皆赴水死我兵遂執寧王并其世子郡王將軍儀宿 文定等為火攻之具那珣擊其左徐璉戴德儒出其右 余恩等官各分兵四伏期火發而合二十六日寧王方

欠三日日とい

文章辨體景選

79

若洲馬於是餘賊數百艘四散逃潰臣復遣各官分路 之又破之於具城擒斬復千餘級落水死者殆盡二十 事金山按察使楊璋僉事王畴潘鵬祭政程果布政梁 大信等數百餘人被執脇從官太監王宏御史王金主 追劉母今逸入他境為患二十七日追之於樵舍大破 辰都指揮郊文馬驥白昂等擒斬賊黨三千餘級落水 死者約三萬餘棄其衣甲器仗財物與浮尸積聚橫亘 王春呉十三凌十一秦榮葛江劉勲何鐘王信呉國戚

金月七月白書

卷一百十

ここ ゴー 監羈候解被執脇從等官并各宗室别行議奏及將擒 審驗紀録另行造冊檄報外照得臣節該欽奉勅諭但 將軍儀賓偽授太師國師元帥都督都指揮等官各另 懸之苦而出於水火之中也除將寧王并其世子郡 斬俘獲功次一萬一千有竒發御史謝源伍希儒暫令 以數萬骸呼之聲震動天地莫不舉首加額真若解倒 各千餘級臣等既擒寧王而入闔城內外軍民聚觀者 日得知府陳槐等報亦各與賊戰於沿湖諸處擒斬 之軍即體養養 915

察使造冊繳報查照事例陛賞激勸欽此及准兵部 武職若在軍前違期并逗遛退縮者俱聽以軍法從事 多定四庫全書 換官軍無機制捕應合會捕者亦就調發策應等因節 稱今後但草冠生發事情緊急該管官司即便依律 今各該兵備守巡守備官即時紀驗明白備行江西按 生擒盜賊鞫問明白亦聽就行斬首示衆斬獲賊級行 有盗賊生發即便嚴督各該兵備守備守巡并各軍衛 有司設法調兵勦殺其管領兵快人等官員不問文職 卷一百十一 題

情緊急移文至日爾亦要及時遭兵策應母得違惧欽 たこりらいき 訴其冤抑無又招納叛亡誘致劇賊渠魁如呉十三凌 莫敢論其是非小人雖在幽僻之中且吞聲飲恨不敢 積威所刼遠被四方士夫雖在千里之外皆閉目搖手 類剥害細民數其罪惡世所未有不軌之謀已踰 此俱經欽遵外竊照寧王烝溫好暴腥穢彰聞賊殺善 奉欽依備咨前來又節該奉勅如或江西別府報有賊 之屬牵引數干餘聚召募四方武藝騎勇能扳樹 文章辨體原選 四十八

金万里月至書 謂其大事已定莫敢抗義出身與之爭衙從事抱節者 感人心故其舉兵倡亂一 民分遣其官屬親暱使各募兵從行多者數千少者數 起事之日從其護衛姻族連其黨與朋私驅腸商旅軍 陰致奸徒於滄州淮揚山東河南之間亦各數千比其 排關者亦萬有餘徒又使其黨王春等分齎金銀數萬 九萬餘且又矯稱客古以脇制遠近偽傳檄諭以搖 帆橋蔽江衆號一十八萬其從之東下者實亦不下 卷一百 一月有餘而四方震懾畏避皆

諸臣消禍於將前而預為之處見幾於未動而潜為之 固上天之陰膽宗社之點祐陛下之威靈而廟廊謀議 城俘擒元惡以萬餘烏合之兵而破强虜十萬之衆是 |數之卒起事於顛沛危疑之中旬月之間遂能克復堅 一世堅城而自守忠情者惟集兵以俟時非知謀忠義之 制改臣提督使得扼制上流而凛然有虎豹在山之威 庸知每失之迁繆當兹大變轍敢胃非其任以行旅百 不足其氣焰使然也臣以孱弱多病之質才不逮於凡

火にり目という

文章辨體素選

四十七

中 得以不俟部古之下而調集數郡之兵數郡之民亦不 又孰得而先之乎及照御史謝源伍希儒監軍督哨謀 常制之外人徒見嬖奚之多獲而不知王良之善御有 待的肯之督而自有以赴國家之難長驅越境直搗窮 以制之也然則今日之舉廟廊諸臣預謀早計之功其 追不以非任為嫌是乃伏至險於無形之中藏不測於 金岁巴压白量 以及時策應不限以地而隱然有常山首尾之勢故臣 明律例使人自為戰而翕然有臂指相使之形動臣 灰 一百十

**助陳旦指揮麻蜜高春孟俊知縣張淮應恩王庭顧泌** 楫李美王見王軾劉源清劉守緒傅南喬随哨通判楊 **連載德儒陳槐曾與林城周朝佐署都指揮僉事余恩** 畫居多倡勇宣威勞苦備當領明知府伍文定那珣徐 火2.9夏 **連戴德儒等胃險衝鋒功烈尤懋鄉官都御史王懋中** 爭赴國難協謀并力共收全功其間若伍文定邢珣徐 萬士賢馬津等雖效績輸能亦有等列然皆首從義師 分哨通判胡克元童琦談儲推官王暐徐文英知縣李 1.14.17 文章鄉體原選 四十二

藍進士郭持平驛丞王思李中按察使劉遜然政王繡 編脩鄒守盆御史張鰲山郎中曾直評事羅倫僉事劉 我反口周至書 以上各官功勞雖在尋常征勘亦已甚為難得况當震 旌推以勸天下之忠義以屬將來之懦怯仍記示天下! 身狗國乃能若此伏願皇上論功朝錫之餘普加爵賞 恐摇感四方知勇莫敢一曆其鋒而各官激烈忠憤捐 府劉昭等仗義與兵協張威武運籌替畫夾輔折衝 知奸雄若寧王者其不軌之謀已十有餘年而發之 卷一百

欠に日東上町 **承宗社之** 九兵|又誘|先山 鮂 晚賊攻泉 就擒滅於以見天命之有在神器之不可窺 南其諭兵南 願 皇上罷息巡幸建立國本端拱 紹 奸 雄 Ž 捷 覬 觎 擊也待指出 也報牌楊不 刖 稱逐入牌 衝伍兵余亦 幸甚 打消稱攻四丈之恩十 入城连宸也定合以有 勵 省 使兵濠復 二遊 下其四先計正也兵馬

縣之設乃有大小繁簡之别中土邊方之殊流官上 金グビル 王君公承以大夫師長不惟逸豫惟以亂民今天下 臣聞傳說之告高宗曰明王奉若天道建邦設都 十士萬其成旗寧 一之順師勿號王 處置平復地方以圖久安疏王中仁 密 投氣泄牌任與 江泉宸九之先 稱以濠也志生 发沮 獲假八 **濠其走寫也稱** 巴南報回使凌<sup>怎</sup> 破京之書 雷十 戒之人與齊等等 軍謀深字等等 士十信士昏號 勿也其實夜狀 得寫與稱粘反 縱免先其貼戈 段死生精告立 以即合忠 示功 亂數黨報標以 樹后 軍十使國柿離 郡

當腳即駒是陛下之心惟在於除患安民未嘗有所意 官流官何者經久利便是陛下之心惟在於安民息亂 必也又節該欽奉勅諭謂賊平之後公同議處應設土 尚之異類是以順其情不違其俗循其故不易其宜要 **齊重命勘處兵事於兹土節該欽奉勅諭謂可撫則撫** 在使人各得其所固亦惟以亂民而已矣臣以迂庸謬 之與氣人生其間剛柔緩急之與禀服食器用好惡習 之不同者豈故為是多端哉葢亦因其廣谷大川風土

大三日月八二十

文章鄉體原選

九十

苦而不設流官乎夫惟流官一設而療猛因以騷亂仁 以能建事而底績乎是皆不然夫流官設而療孫服何 設之則嫌於從療搖之俗二者將不能逃於物議其何 於失中土之制土官之設發搖之俗也已去土官而復 殺人之心惟惟憂憫亦子之無辜也然而今之議者或 其悔罪來投遊復宥而釋之固亦莫非仰體陛下不嗜 未當有所意必也始者恩因梗化既舉兵而加誅矣因 以為流官之設中土之制也已該流官而復去之則嫌

金月巴月百書

卷一百

|土官去而獠猺服何苦而必土官乎夫惟土官一去而 能仰窺陛下如天之仁固平平荡荡無偏無黨惟以亂 苟為周身之慮而不為國家思久長之圖者也其亦安 同總鎮鎮巡副然三司等官太監張賜御史石金等議 必於土官之去者是皆虞目前之段譽避日後之形迹 **孫搖因以背叛仁人君子亦安忍寧使斯民之背叛而** 民為心乎臣於思恩田州平復之後即已仰遵聖諭公 人君子亦安忍寧使斯民之騷亂而必於流官之設者

大三月屋 小小

文章辨體原道

九十二

**羣靡鹿於堂室之中而欲其馴擾帖服終必觸樽俎** 獸麋鹿必欲制以中土之郡縣而繩之以流官之法是 野之性今所以仍土官之舊者是順適其穬野之性也 土目以散其黨設流官以制其勢益療搖之性譬猶禽 几席狂跳而駭擲矣故必放之閒曠之區以順適其礦 心有不盡謀有不忠乃皆以為宜仍土官以順其情分 應設流官土官何者經久利便不得茍有嫌疑避忌而 惟土官之為而不思有以散其黨與制其猖獗是 卷一百十 翻

金为四月分書

大下り下とかう 之人也議既食同臣循以為土夷之心未必盡得而窮 時守其墻墉禁其羣觸終將踰垣遠逝而不知踐禾稼 道終必長奔直竄而無以維繫之矣今所以分列土目 山僻壤或有隱情也則亦安能保其必行乎則又備歷 連屬綱維於其間是畜麋鹿於苑囿而無守視之人以 者是墙墉之限豶牙童牿之道也然分立土目而終無 縱麋鹿於田野之中而無有乎增墉之限豶牙童梏之 决藩籬而莫之省矣今所以特設流官者是守視苑囿 文章辨體係選 九十二

陛下不能亮臣之愚良以今之士人率多執已見而倡 幸免於他日之戮也矣夫然後敢具本以請亦恃聖明 賤之徒則又亦皆以為善然後信其可以久行而庶或 父老子弟又皆以為善又以詢諸其頑鈍無恥厮役下 所以處之之道詢諸其目長率皆以為善叉以詢諸其 有所顧思然猶及覆其辭而更互其說者非敢有虞於 在上洞見萬里而無微不燭故臣得以信其愚忠不復 田州思恩之境按行其村落而經理其城堡因而以其 卷一百十

金グビルノコー

|臆説亦足以摇衆心而憤成事故臣不避頰舌之騰者 壅而未宣怨積而不聞臣等曾無一言是甘為容悅而 縁係處置平復地方以圖久安長治事理未敢擅便為 亦欲因是以晚之也煩瀆聖聽臣不勝戰慄惶懼之至 てこりえ 臣聞之主聖則臣直上易知而下易治今聖主在上澤 此開坐具本請古 一無以張主之聖下無以解百姓之感也伏惟陛下神 自劾疏 1.11. 王守仁 史策弹機影應 1

所加民旗未復餘烈所煽妖孽連與幾及二年愈肆愈 之主而前此皆城瑾之茶毒知陛下固有為之君而前 賢修政與民更始天下莫不歡忻故舞謂陛下固愛民 賊臣劉瑾竊弄威柄流毒生靈潜謀偕逆幾危郊社頼 誅滅黨與劉滌兇穢復祖宗之舊章弔黎元之疾苦任 祖宗上天之靈俱張永等早發其好陛下奮雷霆之斷 明英武自居春宫萬姓仰德及登大寶四方向風不幸 皆城瑾之蒙蔽日夜跂足延頸以望太平奈何積暴

金岁以母子書

衣一

有十十十一。 一

ここりに 蘇倒懸撫心及已自知之罪莫可究言至其暴揚於天 横屯兵不解民困日深城勢相連殆遍財匱糧竭旦夕 徨漸以懈弛遠近之民遂疑陛下不復念其困苦而日 奚損乎然羣臣百司願時一覩聖顏而不獲則憂思徬 沟沟臣等備位大臣不能展一籌以舒忠害寬一縛以 以伏厥辜夫朝以出政政以成事陛下每月視朝朔望 下訾爲於道途而尤難掩飾者大罪有三請自陳其畧 外不過一二豈不以臣等分職於下事尚無廢不朝 1.1. 文章解體派選 五十四

於是而臣等不能力勸陛下蓄精養神以行皇儲之慶 掣肘耗氣於馳逐羣臣惶惑兩宫憂危宗祀大本無急 無非宫禁所宜况令前星未耀震位猶虚而乃勞力於 罪一也陛下日於後苑訓練兵事鼓噪之聲震駭城域 與怨懟四方盜賊亦謂陛下未常有意剪除而益猖獗 **豈不以冦盜未平思欲奮威講武乎然此本將卒之事** 實縣臣等不能備言天下洶洶之情以悟陛下是其大 夫昧與臨朝不過頃刻陛下何憚而不為所以若此則

多好四月全書

**一** 

|騎射疲勞之事皆縣臣等不能備陳至樂以易陛下之 |講論道徳涵泳義理以培養本原開發志意則耳目日 所好是其大罪三也陛下有克舜之資臣等不能導陛 乎今陛下自即位以來經筵之御未能四五而悦心於 泮與以與古先神聖為伍此亦天下之至樂矣陛下茍 以聰明血氣日以和暢窮天地之化盡萬物之情優游 思患預防以為無翼之謀是其大罪二也夫日近儒臣 知此則將樂之終身而不能以須東舍奚暇遊戲之妈

大正日本公野

文章辨體原選

五十五

息無復有所騷擾躬修聖學以立天下之大本其餘習 麟趾之祥日御經筵講求治道味理義之悦心去遊宴 漢唐之季臣等死有餘罪矣伏顧陛下繼自今昧與以 金岁巴月八二 與共天職使天下曉然皆知陛下哀憫元元之本心繇 視朝勵精而圖治端拱玄點以養天和正關雕之詩毓 臣等不能極言切諫以至於斯自兹以往務在休養生 之敗度正臣等不職之罪罷歸田里舉者德宿望之賢 下於三代而使天下之民疾首蹙額相告歸咎懷情若 卷一百 ŀ

嘉靖元年七月十九日准吏部咨該臣奏前事節奉聖 上聞 古論功行賞古令令典詩書所載具可考見卿倡義督 等雖死之日猶生之年不勝激切顛隕待罪之至具疏 消若白日出而魍魎滅上以承祖宗之鴻休下以垂子 孫之統緒近以慰臣庶之憂惶遠以答四方之觀向臣 染以次洗刷則民生自遂若陽氣至而萬物春寇盜自 再解封爵普恩賞以彰國典疏王守仁 1.1. 文章與體養選 五十六

宜勉承恩命所解不允兵部知道欽此欽遵臣以積惡 兵制除大患盡忠報國勞績可嘉特加封爵以的公議 於天下而臣以一 散亂已而伏枕沉思臣以微勞冒膺重賞所謂貪天之 深重禍延先臣方榮然齊灰僅未殞絕聞命悸懷魂魄 多定四库全書 之矣然而聖旨優恩獨加於臣餘皆未蒙採録者豈以 江西之功果臣一人之所能獨辦乎朝廷爵賞本以公 功掩人之善襲下之能忘已之恥者臣於前奏已具陳 身掠衆美而獨承之是臣壅閼朝廷 卷一百十一

堂之賞朝廷之議也臣不敢偕及至於臣所相與協力 之大澤而使天下有不均之望也罪不滋重已乎夫廟 奄之中忽不自覺其言之躁妄亦其事有所感於昔情 有所激於中也竊惟宸濠之變實起倉卒其氣勢張皇 年矣此而更不一言事已日遠而意已日衰誰復有為 同事之人則有不得不為一申白者古者賞不踰時欲 くこうし シュ 人速得為善之報也今効忠赴義之士延頸而待巳三 一論列者故臣報敢剖痛忍哀冒斧鉞而控額氣息奄 文章辨體景選 五トと

積威凌刼雖在數千里無不震駭失措而况江西諸郡 真有捐軀赴難之義戮力報主之忠孰肯甘粉虀之禍 未受巡撫之命則各官非統屬也未奉討賊之古其事 以未有成命可保土地為辭則臣亦將何如哉然而聞 臣之調即皆感激奮厲或提兵而至或挺身而來是非 乃義倡也若使其時郡縣各官果懷畏死偷生之心但 以逆旅孤身舉事其間雖仰仗威靈號召遠近然而 近切剥床觸目皆有賊兵随在皆有賊黨當此之時

部分四月全書

卷一百十一

とこりら たたり 者自當之乎將猶可以藉衆議之解救而徐免之乎夫 推敗之速是以功成之後不復以此同事諸人者為庸 矣此臣所為不敢受也且宸濠之變天實陰奪其魄而 誠以同赴國難而功成行賞臣獨當之人將不食其餘 從赤族之誅蹈必死之地以希萬一難真之功乎然則 使其不幸而一 天下之人犯死難以赴義則上之人有必行之賞以報功 凡在與臣共事者皆有忠義之誠者也夫均秉忠義之 一蹶塗地則粉身滅族之條亦同事諸人 文章辨體候遊 九十八

追於眾口之非也夫披堅執銳身親行伍以及期赴難 殃乎乃不若退縮引避反可以全身遠害安處富貴而 今臣爵獨崇而此同事之人者乃或賞或否不行其賞 而不免於不忠之罰則容有托故推奸坐而觀望者又 亦何苦而捐身赴義以來此呶呶之口而自求無實之 名而因使退開或蒙不忠之號而随以廢斥由此言之 並削其績或賞未及播而罰已先行或虚受陸職之 何以加之今不彼之議而獨此之察則已過矣昔 卷一百

金月七月百十

甚今人歐牛耕我之田既種且獲矣而追究其耕之未 有蹊田而奪牛者君子以為蹊田固有責而奪牛則已 賞雖有勞而不贖其罪噫是亦過矣當宸濠之變無按 盡善也復從而奪之牛無乃太遠於人情乎今議者或 糜遠者逃潰矣當此之時茍知有從我者皆可以為忠義 三司等官成被驅縛或死或從其餘大小之職近者就 以某也素貪而鄙某也素躁而狂故雖有功而當抑其 之士尚得追論其平時耶况所謂若貪與鄙者或出於

欠に日年上日

文章解體原選

压九

吾事亦將用之而事果有成亦必賞之况乎均在士人 當此之時雖有禦人國門之寇茍能効其智力以協齊 急難呼吸之際要在推鋒克敵而已何暇逆計其他乎 典較功力信賞罰以振作士氣者軍旅之大權故鄙很 讒疾之口而未必皆真耶若居常處易選擇而使猶不 金タビルとこ 之行平時不齒於士列而使貪使詐軍士有所不廢也 得女已甚乎夫考素行别賢否以激揚士風者考課之常 免於失人况一時烏合之衆而顧以此縣之其責於人 卷一百十

談孰不曰我能臨大節死大難及當小小利害未必至 之列同有勤事之忠者乎人於平居無事扼腕抵掌而 處其地而少亮之乎夫考課之典軍旅之政固並行而 間前有必死之形而後有夷滅之禍人亦何不設以身 於死也而或有倉皇失措者矣又况矢石之下劍刃之 にこりを ことう 関人 然可見者毋深求其隱然不可見者賞已行而其人之 遂行其賞可矣縱有既往之愆亦得以今而贖據其顯 不相悖然亦不可以混而施之令人方有可録之功吾且 大衛解體原題 **六** 十

膏髓骨皆其職分所當然則此同事諸臣者遂敢皆自 嫉之心譬之投杯醪於河水而曰是有醪馬亦可飲而醉也 過 非其易牙之口將不能辨之矣而求飲者之醉可乎夫 不錄而罪有加不能創姦警惡徒以阻忠節之意快讒 以考課之意行於其間人但見其賞未施而罰已及功 人臣於國家之難凡其心之可望力之可為塗肝腦而 罪而點功罪顯勸懲彰矣今也將明軍旅之賞而陰 猶未改也則從而行其點滴人將曰昔以功而賞今 卷一百 † :

金为巴月至言

為蔽而卒無以自顯於世也且自平難以來此同事諸 抑者令而陛下龍飛赫然日月之光英賢輔異廓清風 衆疾惟事搜羅以為罪曾未見有鳴其不平而伸其屈 廷之上果以其功獨歸於臣而此諸人者之績因臣之 於臣而彼有未建臣復抗頹直受而不以一言是使朝 以為功而邀賞於其上乎顧臣與之同事同功今賞積 而鼓震雷於是陰氣始散而魍魉潜消而覆盆之下尚 人者非獨為已斥諸權好之所誣構挫辱而已也羣憎 これ フラマ しょ 文章弹槽照選 \$\frac{1}{1}

**茫昧之中其時豈能暗睹其功之必就謂有今日爵賞** 卒以實對夫人之忠於國也殺身夷族有不避而乃避 諸臣者一訴其艱難抑鬱之情昔漢臣趙充國破羌而 其矜功伐善之嫉乎臣始遇變於豐城也盖舉事于倉卒 嫌伐一時事以欺明主哉兵政國之大事當為後法老臣 有未能自露者也故臣敢不避矜誇偕妄之戮而甎為 歸人有諷之謙讓功能者充國曰吾老矣爵位已極豈 不以愚命一為主上明言其利害猝死誰當復言之者

部分四月全書

在一百十一

見利忘信是為貪鄙外以欺其下而內失其初心亦何 誘其下竭衆人之死而共成之掩衆人之美而獨取之 誘之也以為功而克成也則此爵禄恩賞亦有國之典 棄九族但以輸忠憤而死節是臣之初心也至於號召 之榮而為之哉徒以事關宗社是以不計利鈍捐身家 理所必有也今臣受殊賞而衆有未逮是臣以虚言罔 之以名節而復動之以恩賞絢耀之美是非敢以虚言 三軍則雖激之以忠義而實歆之以爵禄延世之榮勵

火足四草全書 一門

文章辨體原選

六十二

鑒臣之言不以為誇也而因以察諸臣之隱允臣之辭 可有言之日事不容已而有是舉不勝受恩感激含哀 亦有册可查不敢復有所塵賣臣在衰經憂苦之中 則臣亦不得獨厚果以臣賞或可厚與則諸臣亦不得 為榮也所謂有重於封爵者故不敢茍得耳伏願陛下 而遂簿也江西同事諸臣臣於前奏亦巳畧舉且諸部 不以為偽也而因以普諸臣之施果以其賞在所薄與 面以視其人乎臣不敢獨當殊賞者非不知封爵 卷一百

次正写真全 <b>等</b>		が電信		冒死云云
文章辨臘索選				
*:\*\-!\{\bar{\pi}\}				,

\_ \_ -

文章辨體彙送卷一百十				
<b>を一百十一</b>		,		- TE